





黔草卷六目錄

奏疏

平播善後事宜疏

播平奏報軍餉疏

題王參政請告歸疏

考覈給由府官疏

播平乞休疏

請官經理播地疏

請印江縣學疏

議剿皮林寨苗疏





續本生黔草卷之六

泰和郭子章相奎甫著  
友人楊寅秋義叔甫校

奏疏

播平善後事宜疏

謹題為逆酋甫平邊圍未輯敬陳善後事宜以備採  
擇事萬曆二十八年八月十八日准兵部咨為欽奉

聖諭事該本部題職方清吏司察呈奉本部覆議條列拾  
事內開一計<sub>後</sub>原議逆酋平定以當<sub>以</sub>土為流而各王  
司有能縛酋以<sub>獻</sub>者或世守其爵或以分其土此昭昭



在人耳目者也。今事已定矣。水西隴泌於五月二十八日  
業已撤兵避嫌矣。除斬關輸忠功自誰。淚聽其從優敘錄  
以爲土司效忠奮勇之勸。而一切大計可不因原議而規  
畫之乎。謂宜亟行督撫衙門。仰查播州一地某處與某處  
連區某地與某地接軫。作何分隸某處。應設某府某州縣  
作何安置某地。應置何將。作何統轄。及一切善後合行事  
宜悉心計處。所有子遺。作何安插。空闕處所作何招徠務  
令獷悍不毛之地。盡入範圍。撫馭之中。被我衣冠服我聲  
教。釋其非心。防其逸志。莫艾絕微以紓。西顧其有應行  
未盡事宜。在督撫諸臣身在彼中心經其事。必有長計遠

慮。佐所不逮。一併議妥。作速具奏。定奪等因。題奉 聖

旨。元兇旣殄。凡脅從牽累的都免窮治。流移的招他復業。  
毋許豪強乘機兼并。還與優加賑恤。以安新定地方。兵馬  
又成勞苦。酌量應撤的次第。撤還未靖。諸苗橫恣。逋誅就  
著撤回兵馬。剿處不必待奏。可即便宜行事。軍中一應有  
功人員。俱從公敘。來其餘皆依擬。該督撫悉心行欽。此欽。  
遵等因。備咨到。臣臣近閱邸報。內開山西道監察御史李  
時華題爲二省干戈幸戢萬年計畫。宜周恭陳一二層見  
以備善後。採擇事內開條議拾款。就中強半多言黔事。  
就經備行布按二司監軍紀功守巡各道會議詳報前來。



除兵部九款已經奉旨者臣等悉心奉行外所有未盡事宜該臣會同總督川湖貴州軍務兼理糧餉巡撫四川地方都察院右都御史兼兵部右侍郎李化龍巡按貴州監察御史宋興祖看得播州善後事宜統言播事兵部釐為十款析言黔事李御史列為十條詳哉乎其言之矣當局者迷觀者智臣愚迷於苟似亦可以無言顧計者取多謀者從可 聖明稽於衆或不嫌於互發謹以膚見釐為十二條或為諸臣已言而申明之者或為諸臣未言而專陳之者總之抒一得之愚為地方長計耳如或封非可采瓦礫不棄伏乞 勅下兵部再加從長酌議覆 請施

行臣等未敢擅便無任跼蹐俟 命之至謹題請 旨

計開

一議改設郡縣看得播州之地東西相距二千餘里南北相距四百餘里雖云黔國亦係樂土今議改流東西可設二府每府可設二三縣播境原屬四川與貴州鄰二省界限原自分明至論建置大槩臣意自沙溪以至白泥當以烏江為界設一府於白田壩而真州婁山松坎等處可為三縣黃平在元已為府矣當設一府於黃平而餘慶白泥二司可為一縣雍水重安二司可為一縣此沙溪至白



泥一帶建置之大槩也自白泥渡江至婺川縣以  
三渡板角苦竹三關爲界其中漢夷田土錯雜惟  
湄潭可縣龍泉可縣龍泉土官安民志陣亡其子  
尚幼其印已失其土地已爲楊酋踐躪合無將龍  
泉改建一縣增築城郭而以安民志之子世爲土  
縣丞以爲死義者之勸其祖職長官世爲土主簿  
此則思石一帶建置之大較也至於衛所似可無  
設先年石阡思南思州龍安馬湖俱係改流並未  
設衛豈不謂養軍不若養兵贍統緝之世胄孰若  
贍矛戈之勁卒乎哉惟設二道迨一衆以彈壓於中

每二縣設一守備以防禦於外則西南半壁可恃  
無恐若興學校築城池設公署建驛遞度土田勢  
當次第脩舉而爲費不貲若仍屬於蜀則黔中無  
所事事若分屬於黔貧黔物力難支似當於剩餉  
內動支完日覈算第播州之名其來已久播之爲  
字番之有才者也以故應龍阻兵岨強獷戾竭四  
方之力僅乃克之夫南越破而聞喜建呂嘉得而  
獲嘉名龍州平改爲龍安九絲夷更名建武卽播  
州納土於宋亦改名遵義計 廟堂當有定謨而  
播之爲名似當更易伏乞 聖裁



一議遴選將吏時亂則急武庫所乏者孫吳韓彭之  
流時平則急歲星所乏者龔黃卓魯之徒顧絳灌  
無文隨陸不武兼才之難自昔嘆之矣夜郎既平  
守巡守令固一路之歲星也而才不易得事不易  
理辟草萊剪榛棘則初始之難復版圖充戶口則  
稽閔之難度土田起賦稅則覈實之難安反側歸  
鴻鴈則安輯之難比什伍編保甲則聯屬之難四  
鄰多悍五司多戾則駕馭之難道路多警山菁多  
梗則芟夷之難路室未除候館未建則往來之難  
相陰陽揣高卑則城池築鑿之難計徒庸慮餼糧

則衙署工作之難講 聖諭行鄉約則教化開導  
之難准西旣平留裴度爲彰義節度使下令惟禁  
盜賊鬪殺餘皆不問蔡人始知生民之樂淄青旣  
平命楊於陵按圖籍視土地遠邇計士馬衆寡分  
李師道地爲三道幽燕未平藝祖出地圖示趙普  
問進取之策曰曹翰可取可守而終議曰翰死孰  
可代 國朝交州旣平以黃福守之則治及黃福  
去而交州始亂由是觀之取播易守播難臣竊意  
以爲文臣中必如裴度楊於陵黃福之治蔡齊交  
州而後播可守也武臣中必如曹翰之安燕雲而



後播可守也或令總督自擇守巡來備守巡自擇  
郡守郡守自擇縣令如其效朝廷不難深信而  
又任之破格而超遷之以酬其勞不效則連坐之  
以繩其闕惟聖明廟廊下部而遴選焉至於臣  
等黔驢之技已窮芻狗之用已陳其計畫無復之  
也不待明者而見矣伏乞 聖裁

一議五司改流夫五司之毒於楊應龍也久矣夷其  
丘隴妻其婦女奪其官職焚其室廬殺其父子兄  
弟其形之 奏牘止為報讎欲改土為流非一日  
矣 朝廷合三省之力費數百萬金錢豈獨為五

司復讎計哉亦欲計安地方為百年長慮耳若復  
立五司於蜀無損於黔大不便黔中一線之路四  
顧皆苗即五司之地也頃屬於播淪於異域下衛  
走馬杭頑不上驛遞之困實繫於此今乘此時郡  
縣之則廓清線路通為孔道郡縣歲入不累驛馬  
用夏變夷千載一時若復立其後則黔封疆之狹  
猶故黔驛遞之罷猶故是何愛黔不如愛五司也  
夫五司與應龍一類也昔也應龍強而五司弱則  
五司以窮歸我應龍以索五司之故東寇西擾業  
已貽害邊民今也應龍滅而五司復強夷狄之性



決不安靜復有如應龍者出弱肉強食又將擾我  
邊民何也虎狼不可以爲鄰蛇虺不可與共林也  
且當日起釁實在五司上貽害 國家費數百萬  
金錢下貽害三省度劉數拾萬百姓中貽害將官  
殺戮百員而彼安然如故襲職享祉凡我被害邊  
民之子孫其又誰與之恐其構禍猶未彌也查得  
鎮遠龍安新貴改流其土官俱改文銜既不失  
朝廷興滅繼絕之意又不釀異日以強凌弱之禍  
原任宣慰同知當改爲府土同知原任安撫當改  
爲州土同知原任正長官當改爲土縣丞副長官

當改爲土主簿一切俸薪儀節在府以鎮遠龍安  
爲例在縣以新貴爲例若土官從逆者如楊正邊  
之類正當絕其爵土而以傍枝入繼者又當改爲  
土巡檢庶幾夷漢相安邊圉允又矣伏乞 聖裁  
一議清查黃冊楊酋逐五司刈七姓即以其田分給  
苗賊令自耕種錢糧不輸黃冊不造而其老冊在  
四川布政司冊庫猶可覆視也今旣郡縣其地則  
當清查田土楊氏即滅播官播民猶有存者欲不  
給還之則丘壑在目彼猶有辭欲一一還之則冊  
籍無憑恐售其欺臣意當檄四川布政司將播州



歷年黃冊另貯固封毋令吏書改換庶田畝之地  
名可尋秋糧之多寡可稽軍田民田夷田漢田不  
相溷淆欲稍給舊民則冊可憑若冊無姓名或有  
姓名而人被殘刈者其田入官以爲公田留作春  
兵之費此亦蕭何入秦收圖籍意也惜當時播州  
一破其州用盡燬於兵耳伏乞 聖裁

一議更易轄屬楚黔接壤撫屬錯綜如黎平府永從  
縣近楚之沅州去黔千五百里而遙反屬於黔平  
清偏鎮四衛近黔之鎮遠去楚二千餘里而遙反  
屬於楚即云犬牙相制翻成彼此推諉頃者酋犯

偏橋而楚不能掇此者苗犯黎平而黔不能掇即  
黔有播患而黎平永從無一夫一粒之助非不欲  
掇助也鞭之長不及馬腹勢也合無以黎平一府  
永從一縣改隸湖廣鎮遠偏橋平溪清浪四衛改  
隸貴州文武官軍俸糧歲費公用悉仍其舊則軍  
民合爲一家上下不相秦越即有寇警誰能諉之  
伏乞 聖裁

一議裁將留兵項者播患方殷黔之將不得不增今  
日逆寇蕩平黔之將不得不減清浪黎將原屬於  
楚非黔專官無容議矣黔中下六衛無一重將何



以彈壓則興隆參將似不當裁都清守備當仍其  
舊龍泉既有守備則婺川參將石坪都司應裁壩  
陽普安迤西三處既有守備則畢節參將應裁省  
城既有遊擊則守城守備當裁播賊雖平苗寇未  
剪總兵標下留兵一千三百爲二營興隆參將部  
下留兵一千二百內分其半爲一營守興隆隸參  
將部下分其半爲一營守平越隸都清守備部下  
以爲下衛之保障壩陽兵三百分其半移隸安隆  
貴陽留兵一千分爲二營以爲省會之爪牙第養  
兵二千五百餘名每年約費三萬五千餘金貴州

無從出辦相應於剩餉內暫支俟二三年後地方  
大寧徐徐議撤婺川參將王鳴鶴陳良玘俱將楚  
兵聽楚中去留畢節參將朱鶴齡都司錢中選守  
備杜鶴鳴合無免其赴部另補別缺至於總兵駐  
劄昔在銅仁以故沈尚文之杜門童元鎮之託身  
眛爲兔窟眇若越人節經兵部題 准駐劄貴陽  
夫非於銅仁疎而貴陽親也貴陽近播而銅仁去  
播遠也總兵官似當仍駐貴陽待年餘大定之後  
以春夏駐貴陽秋冬駐銅仁永爲定例無許偏安  
一隅伏乞 聖裁



一議四川協濟黔省土瘠民貧不及中州一大縣其  
歲供之費往往取給於楚蜀之協濟查四川烏撒  
鎮雄東川烏蒙等四府每年協濟貴州本色糧一  
萬四千三百二十四石折色糧銀三千一百兩查  
每年解納不及十分之三播州協濟糧銀每年三  
千一百六十四兩七錢楊酋拒命逋負不納自  
萬曆十八年至二十七年未完銀約二萬九千八  
百三十餘兩酉陽每年協濟銀七百兩自萬曆十  
九年起至二十七年共欠二千九百六十餘兩徒  
負協濟之名無益軍興之實此在無事日猶不可

況今逆酋甫定地方多難之時乎祇緣四府酉陽  
襲職不由貴州渙然不相統轄即錢糧逋負既無  
可罰之俸又無可降之官至於屢催屢負未可如  
何以臣之愚四府酉陽即不能割隸貴州至其襲  
職起送四川撫按會同貴州撫按批允而後襲則  
彼猶有所畏憚此一策也不然請乞 嚴旨責成  
四川布政司立法嚴催催完總解載入職掌無得  
秦越相視又一策也不然請責烏撒同知東川烏  
蒙通判駐鎮本府督催四府協濟請責重慶府管  
糧府佐督催酉陽協濟其給由陞遷四川撫按會



同貴州撫按考覈視協濟之完欠爲殿最必完及分數批免乃許離任又一策也舍此二策而欲籍悠悠難必之協濟以充嗷嗷待哺之正供欲保貧軍之不轉爲溝中瘠也必無幸矣伏乞 聖裁

一議楚省協濟黔中軍餉仰給楚中湖南一道所轄長衡郴府州縣每年協濟貴州糧銀三萬七百二十兩零遞年遞負不以時納自萬曆十四年起至二十七年止共拖欠銀五萬三千六百五十兩零而長沙府屬逋欠尤甚良由貴州撫臣兼制止及湖北不及湖南印糧官吏自以非屬怠玩成風雖

考成每年查察不追彼飭虛文即完欠之數催促逾年而文始至極重者止於罰俸而止彼何所憚而汲汲完異屬之餉耶今楊酋甫定黔餉一空合無將湖南一道屬亦隸貴州撫臣節制其印糧官給由陞遷照依湖北例具文於貴州撫臣考覈錢糧有無完欠方許給由離任夫常德去長沙只尺耳常德可屬又何惜一長沙若長沙不屬貴州節制則拖欠之餉終無完日貴州之軍終無飽時其爲關係良非淺細伏乞 聖裁

一議驛傳協濟貴州四面皆夷中路一線實滇南出



入門戶也黔之設專爲滇設無黔則無滇矣國  
家輿地以雲貴爲極遠舊制倉驛小吏俱給符驗  
蓋憫其險遠耳以故流官中無論方面即倉驛之  
陞轉皆馳驛也土司中無論進表即貢馬之差  
遣皆馳驛也鄉官中無論方面部臣即教官舉貢  
會試入京皆馳驛也蓋以極貧極乏之區當極  
苦極煩之差臣日夕掛號堆案盈几欲裁之則行  
路嗟死欲給之則夫馬逃亡欲處置之則帑藏空  
乏衛官貧而不能賠急之則閉戶驛官卑而不能  
支急之則逸去臣惟有叩屋浩嘆而已查得貴州

之驛非若中原之地征民間之錢糧買馬走遞也  
又非若他省之馬亦有姓名可拘束也舊例俱輸  
土司走馬至於下衛則播州五司居其半自播酋  
弄兵五司出亡平越興隆黃平之馬一匹不到今  
播雖已滅五司猶未返舊疆驛馬之困猶然如故  
頃臣不得已疏請於上借滇楚稍閑驛分各馬  
十五匹分發平興共濟時艱至今俱未解到黔中  
以貧故累及二省甚多此亦必不可得之數也臣  
查得黔中道路黔之往來居十之四滇之往來居  
十之五楚蜀之往來居十之一每年雲南止協濟



一千五百兩遇入 觀年加一千兩似覺太少合  
無每年加增一千五百兩入 觀年再增一千兩  
如數依期解黔分給各驛俟五司改流之日錢糧  
上納不支仍將滇銀照依原額臣又查得黔中原  
無水路至於鎮遠始有小江可通輕船遲至辰沅  
常德 會典載鎮遠清浪俱名水馬驛良有深意  
合無鎮遠清浪多造小船一切過往如 御扛齎  
奏及部院方面仍從陸路外自有司以下至二省  
會議舉人即有真正勛合牌票亦給船隻則平清  
是州諸驛又得少蘇伏乞 聖裁

議增設駐鎮看地多陋習而無善俗則以上  
下諸衛未設流官以武弁取悍卒狼者如虎馭羊  
弱者如猫同鼠如之何其不多盜也往年曾設都  
勻府推官駐鎮新添矣昔陽府通判駐鎮畢節矣  
邇年增設貴陽府同知駐鎮興隆矣儻再增設鎮  
遠府推官一員駐鎮偏橋都勻府同知一員駐鎮  
平越一衛之屯糧歲用費之收支一方之詞訟刑  
獄責之問訊一驛之馬匹館銀責之料理文武官  
評責之填報士習民風責之表率夷行苗俗責之  
化誨衙署不必建置取之木衛之公館俸薪不必



編派取之各屬之缺官僕從不必崔莫取之衙所  
之戎卒無更弦易轍之煩而有用身變夷之實黔  
之黎庶尚亦有利哉伏乞 聖裁

一議賑恤殘民楊會煽亂流毒三省愚屬只尺尤切  
剝膚兩年之間一犯偏橋再犯黃平三犯飛練四  
犯東坡而下六衛殘五犯龍泉而思石燧六犯河  
渡而貴陽震其未犯地方大兵經過荆棘叢生轉  
輸糧餉則有運夫之苦防守城池則有保兵之役  
男停其耜女空其袖驛遞蕭蕭條道路丘墟小寇竊  
發餓草盈野陰雨連月木稼不登元元嗷嗷莫必

其命適者大兵甫定瘡痍未起若不重加週恤則  
死者之冤氣彌天生者之號泣塞路恐播之餘黨  
一呼而號召之在在皆賊也爲今日計止有議蠲  
議賑二事然貴州錢糧董董亡幾何一議蠲則衛  
所官軍勢必枵腹待哺惟有賑恤一款似當急議  
而倉庫已竭無從發棠合無於剝餉內存留若干  
行守巡各道責成賢有司查覈惟害之輕重流離  
之多寡定爲賑濟之差等庶 恩周部屋民不流

離伏乞 聖裁

一議增築外城貴州在昔爲荒服至元始立爲順元



路初屬四川改屬湖廣又改屬雲南原非重鎮即  
設城郭不名金湯本朝始立爲貴州布政司屹  
然與楚蜀滇廩行矣第地方旣褊民人未轉國  
初建城率因元舊而城址狹隘牆垣卑薄因陋就  
簡攀援可登二百餘年以來北關生齒旣繁且稠  
與城中埒頃者楊酋聲言渡江直走貴陽關外居  
民奔沓入城填滿城闔寄住街市無屋可貯無址  
可屋翹翹而危噍噍而懼惟臣竊憐之當時士民即  
有增築外城之呈顧時倥偬不暇議工又乏金錢  
誰與爲貲及今賊旣滅矣燕雀處堂亦哢然樂

矣臣聞存者非存在於慮亡樂者非樂在於慮歿  
貴州本苗夷四戰之地非百年無事之國稽之史  
冊聞之父老未有五十年不用兵者今播州即平  
皮林未剽東坡雖通九股尚存倘復有楊酋者出  
而後爲之所則晚矣臣遊淮揚官吳越淮安揚州  
廣州餘姚俱因倭亂之後增築外城倭無所掠遂  
不敢近若貴陽得援此例築一外城內固舊城外  
增新壘即有烽燧民不遷徙此猶地方之利也黔  
中南達滇雲下制辰沅上下二千餘里衛所諸城  
極卑極薄不足以當富室之一牆今旣不能一一



增高而省會又無嚴城脫有緩急直破竹解釋耳  
念及於此則國家藩屏之長利也查得外城估  
計約二萬金倘於剩餉內動支一歲可完一勞永  
逸一費永安惟此時為然乎夫徹桑未雨膏粱未  
病及雨且病則無及矣伏乞 聖裁

播平奏報軍餉疏

謹 題為述寇既平大兵已撤謹將支存餉銀造冊奏報  
事萬曆二十八年十月初一日據貴州布政司督糧道左  
叅政郭廷良造報覈查過貴陽平越龍泉三哨支銷各官  
兵糧餉賞功各項文冊到臣據此查萬曆二十七年十

月二十四日准戶部咨為播酋外逼等事該本部題覆奉  
聖旨是這銀兩著便行與各撫按嚴催解赴貴州應用不  
許推諉稽延致誤軍機欽此萬曆二十八年二月初二日  
准戶部咨為楚滇助餉勢難如期等事該本部題覆奉

聖旨是貴州貧瘠殊甚軍興尤宜加給所議各處協濟銀  
兩兵部便馬上星火差人守催如期解發若有支吾  
推諉的該部科叅來重處欽此同日准戶部咨為楚滇助  
餉等事該本部題覆奉 聖旨川貴待餉甚急你部裡便  
馬上差人星夜嚴催鳳陽廣西如數解彼濟用不許執留  
遷延誤事取罪還立限與他欽此本年二月二十七日准



戶部咨爲貴州借餉數多採木又助全運等事該本部題覆福建撫按本奉 聖旨貴州用兵急需著該省遵旨如數速解限二月內到彼不許遲延短少欽此同日准戶部咨爲播寇突出充斥興隆黃平之間等事該本部題覆奉 聖旨是貴州孤懸著總督將供餉銀兩先儘支發仍遵前旨於鄰省堪動錢糧內先動後題逆首抗亂普天同讎各省直官宜請助兵餉豈得托言違旨支吾推諉著通行與他每知道欽此同日准戶部咨爲播賊狂逞未已貴州物力難支等事該本部題覆奉 聖旨這兵餉急用俱依議行各省撫按司道上緊催解以後不許延宕總督遵照前旨

於本省鄰省便宜處置各官務要同心共濟以期滅賊如有抗違支五且指名參來重處不饒欽此本年三月十三日准兵部咨爲播賊分道突犯全黔勢甚危險等事該本部題覆奉 聖旨貴州孤危著總督上緊與各鎮撫應援兵馬若少准再酌量調募另給糧餉與他廣西雲南湖南各兵俱要齊赴信地戰守不許逗遛觀望重元鎮堪否策勵及應拏應換總督務遵照屢旨及今部覆從實行不得姑息陳寅等若再不到參來重處朝廷不中制該督撫宜協心力任相機行事欽此同日准戶部咨同前事該本部題覆奉 聖旨是糧餉用兵緊務難待奏報輾轉鄰省應解



的著總督遵照屢旨嚴行催取該撫按不許執留短少致  
誤軍機以後不敷任總督便宜徵發借動不必一一奏請  
仍先儘貴州免令告匱若有抗違不遵的指名參來處治  
欽此同日准戶部咨爲暫留起解錢糧抵給貴州萬分緊  
急軍需事該本部題覆奉 聖旨是這銀兩著雲南解貴  
州充餉仍著搜括設處務足題定數目解去不得再行奏  
擾欽此本年四月二十二日准戶部咨爲播酋殺虜官軍  
等事該本部題覆奉 聖旨這協助兵餉著火速嚴催接  
濟有再藉口支吾的該總督撫按指名參來重處欽此本  
年五月二十日准戶部咨爲師期伊邇謀貴萬全等事該

本部題覆奉 聖旨三省進兵費多師期又難預限况貴  
州尤稱貧瘠萬兵齊集其標站俱當存恤這南京河南銀  
兩著作速依限依數解去以前題取各處的務要湊解俱  
不許短少遲誤責有所歸漕糧聽督撫酌量調度還通行  
與各省直知道欽此本年七月十二日准戶部咨爲黔師  
報捷滅賊有期諸路未齊糧餉不繼懇乞 嚴旨急集兵  
糧議殊賞以收全勝事該本部題覆奉 聖旨是滅賊有  
期需餉尤急你部裏速行與各該巡撫官將屢經奉旨助  
黔銀兩上緊定限解去毋得託辭怠緩誤事欽此節准兵  
部差參將朱鶴齡都司孫繼祖解到太僕寺餉銀六萬兩



南京戶部差主事唐斯盛汪若冰解到餉銀十萬兩川湖  
貴督臣李化龍差官解到餉銀一十二萬二千六十六兩  
一錢八分雲南撫臣陳用賓差官解到餉銀一十萬四千  
兩舊鎮雲南黔國公沐昌祚差官解到報效餉銀二千兩  
兩廣督臣戴燿廣西撫臣楊芳差官解到餉銀二十八萬  
兩湖廣撫臣支可大差官解到軍餉并枋木銀共五萬一  
千九百五十一兩河南撫臣曾如春差官解到餉銀九萬  
兩福建撫臣金學曾差官解到餉銀一十萬兩又解到木  
價借充餉銀二萬三千三百三十三兩三錢三分三釐江  
西撫臣夏良心差官解到木價借充兵餉銀三千三百三

十三兩直隸應天撫臣陳惟芝差官解到木價借充兵餉  
銀一千九百五十二兩三錢六分八釐四毫二絲六忽三  
微俱經發貴州布政使司及貴陽府秤收貯庫聽貴陽平  
越龍泉三哨各監軍紀功司道陸續覈支征播官兵糧餉  
賞功等項又准川湖貴督臣李化龍咨據湖廣布政使司  
呈稱川湖貴三省均分漕米貴州該分漕米八萬九千二  
百三十石二斗五升八勺等因移咨到臣隨行委銅仁縣  
知縣陳廷範指揮張世卿等前往湖廣辰常起運過漕米  
九千五十三石六斗八升七合二勺至平越龍泉二哨軍  
前支用去後餘米八萬零一百七十六石五斗六升三合



六勺收貯辰常二府至本年六月初五初六日三省合兵  
輪攻逆賊楊應龍投縲而死妻之驍首就縛班師凱旋  
奏捷之後臣即牌行貴寧新鎮惠仁守巡各道選委駐鎮  
興隆貴陽府同知徐庭綬思南府同知張羽鴻定番州知  
州王應昌鎮寧州知州李珏普安州知州龍時躍清平縣  
知縣劉啟周吊取各哨委官收支兵餉卷案簿冊逐一清  
查冊報到臣又經檄督糧道左叅政郭廷良重覆細加磨  
算總覈去後今據前因除覆覈相同外該臣查得新收各  
省直解到貴州兵餉及木價借充兵餉并舊鎮雲南臣沐  
昌祚捐助等銀通共一百四萬八千六百二十六兩八錢

八分一釐四毫二絲六忽三微陸續覈支貴陽平越龍泉  
三哨官兵廩糧賞功及衝鋒懸賞差管收買硝磺製造兵  
火器具糴運糧米魚鹽運夫脚價各項共動過五十三萬  
二千零四兩六錢六分七釐六毫七絲三忽六微二塵二  
纖實在至本年九月終止收貯布政司貴陽府二庫銀共  
五十一萬六千六百三十二兩二錢一分三釐七毫五絲  
二忽六微七塵八纖湖廣漕米貴州原分八萬九千二百  
三十石二斗五升八勺實運到九千五十三石六斗八升  
七合二勺尚剩米八萬一百七十六石五斗六升三合六  
勺貯在辰常二府未解硝磺二項除支用外實在剩硝一



萬二千五百六十五斤剩礦二千五百一十三斤該臣看得貴州土瘠民貧各常餉軍仰給川湖數年以來逆酋匪茹臣到任後查司庫所存僅四千金時詔舉盈力小任重心之憂矣如焚如熏仰荷 皇上明見萬里既憫其貧瘠又念其孤危陸續給發餉銀共一百四萬八千餘金漕米共八萬九千餘石臣既籍 皇上之威靈又籍 皇上之金錢因風振落頓坂走輪順逆之勢既已不敵強弱之形頓異於曩士氣益奮賊膽益寒臣因是得召募漢土合二省之力破千年之寇黔之封疆幾危而安黔之軍氓幾困而舒 皇上高厚之恩臣即死無以報惟一意與諸將吏

約無分毫冒破甲輿以上負 主恩今所存者餉銀尚餘五十一萬有奇漕米尚存八萬有奇謹造冊 奏報外然此特自首事以來至今年九月終止之數也自十月以後尚有不能不用者六臣敢預陳之各哨官兵擒斬功級雖給有功票緣未奉 明旨未經按臣查覈不敢即給一覈之後紛紛告領不下五六萬其不能不用一也播州之地今尚未有定屬僮屬黔中則郡縣城池衙署經理之費不能不用二也 臣昔後事宜款開大兵之後遺黎當賑外城當築僮寨 旨俞允則拯幾築城之費不能不用三也留官兵三千七百員名以防播孽今年之糧臣已預扣自二



十九年正月之後其新兵之費不能不用四也皮林之後  
儻與楚中掎角討賊非二萬人不可則召募徵調之費不  
能不用五也九股黃岑等苗匪者陰助楊首法當盡剿而  
種類繁多綿亘三省近臣言六甲 朝廷威德亦有一二來  
降者儻苗果悔罪舉族出降地方遼闊不得不建置土司  
其經理賞賚之費不能不用六也以上六款勢必取給新  
餉特以未奉 明旨預擬定數不敢擅開俟異日用過另  
冊具 奏銷筭今將萬曆二十七年六月三十日起至二  
十八年九月終止各委官收支存剩兵餉銀米硝磺數目  
理合開坐造冊具 題伏乞 勅下戶兵二部再加查覈

行巡按貴州監察御史覆覈施行謹題請 旨

題王參政請告疏

謹 題爲母老子病乞 恩休致事據貴州按察司呈奉  
臣批據貴州布政司右參政兼按察司僉事王邦俊呈稱  
職以萬曆二年進士由重慶府推官歷兵部主事員外郎  
中陞湖廣遼東僉事廣益兵備參議二十三年三月內以  
破虜功加陞參政至二十六年二月內考滿蒙 題到部  
四月初八日蒙兵部覆三年閱視疏奉 旨陞職一級如  
遇邊方巡撫員缺推用本月內李總兵追虜出塞失機波  
及參降至二十七年十月內叙平倭功以原官起用二十



八年正月內職在籍聞報仍以叅政起補貴州是時職母  
年九十三矣職侍蔬水日在左右難以赴任又聞部疏以  
楊酋猖獗簡用司道爲詞職伏念叨荷 主恩深厚於有  
事之時不勉力圖報則跡涉避難於義不可於是抑情忍  
痛辭母而行此時心折骨驚魂銷腸斷孤馳赴任途經暑  
濕且病且走既抵任蒙軍門委赴河渡督兵督餉身處異  
方思母之心無時不懸父之思慮傷心溽濕侵骨前病愈  
深痰火遂作兼以泄痢服藥不效醫謂緣思慮所傷百病  
交攻非歸家見親不能痊愈值今楊賊已平職之病骨可  
乞生還伏望題 請致仕等因奉批播賊甫平瘡痍殊甚

勞來安輯恃在各道即有微恙不妨在任調理痊可即出  
視事仰司勉留繳奉此又蒙巡按貴州監察宋御史批逆  
酋既平督撫叙功在即例應候 旨地方善後并料理上  
六衛縱惡諸苗政方倚仗勢難遽去壽母康強勿煩掛念  
仍候督撫詳行繳蒙此該本司備關勉留去後續據貴州  
按察司呈奉臣批據右叅政王邦俊呈稱職奉兩院批敢  
不仰承 德意但職素稟孱弱不習南土自觸冒暑濕諸  
病俱發兼以母老懸想憂懼傷心心神跳動病益加劇終  
夜不寐形銷骨立醫藥罔效終日昏憤不知世事父之必  
無生還之望伏乞俯垂矜憐俾得遂首丘等因奉批播賊



雖平地方未寧上六衛惡苗跳梁叵測正賴該道撫彌何  
得堅持山林之念仰按察司勉留以安地方繳奉此又蒙  
巡按貴州監察宋御史批黔中瘡痍云極平定難安輯尤  
難即欲釋去上六衛地方將何所賴邪強自寬留以安地  
方仍候撫院詳行繳蒙此隨准本司移行到職職安敢再  
有瀆陳惟是職素稟其弱原多疾厄一經異方暑雨瘴煙  
兼以思親抱疑懷懼心神受傷職一身諸病俱集又於七  
月初四日感冒寒邪潮熱往來耳鳴不已又於小腹左邊  
生一熱癰苦楚難堪偃卧昏迷生死未卜一切文移盡行  
停閣難以久廢伏望為地方計急行題請庶不以職之

病廢遺累地方等因奉批仰按察司查報奉此又蒙巡按  
貴州監察宋御史批上六衛盜苗肆劫正賴該道出緒餘  
以整頓之以圖久安得人甚難纔得而旋言去如地方何  
勉留以幸地方所至願也但人子至情我亦人子難不體  
念按察司確議通詳蒙此該本司看得上六衛地方見稱  
惡苗出沒一應撫彌事宜正賴該道區畫雖暫違和不妨  
杜攝以慰軍民之望但稱壽母年逾九十思鬱成疾人子  
至情義難終強相應呈乞題請施行等因到臣該臣會  
同巡按貴州監察御史宋與祖看得右叅政王邦俊力扞  
邊圉誠寒天淵官遼左幾年知名草木入黔陽數月殫心



米鹽會楊會後首之時正疆場叙功之會而本官念切慈  
母身病瘴鄉况母氏之齡實九十餘而遊子之身在萬里  
外白雲在望望劇勤思者情之不得已也思之不見展轉  
成病者勢之所必至也本官病非托假情甚迫切臣查得  
先准吏部咨內開在外官員患病告致仕者仍令撫按代  
奏又吏部見行事例凡自願告退官員及有疾者不分年  
歲俱准致仕合無照有疾例准本官致仕暫令回籍調理  
遺下員缺另行推補如念本官破虜平倭之功未酬入黔  
平播之勞未錄待本官病痊日照依叙功之格起用以酬  
其勞以竟其用臣未敢擅便伏乞 勅下吏部再加查議

將右叅政王邦俊准令致仕回籍調理痊可之日另行起  
用庶萬里母子之情不至終絕而邊疆勞勩之臣不至終  
棄矣謹題請 旨

考覈給由府官疏

謹 題爲遵例考覈給由有司官員事據貴州布政使司  
呈奉臣批行准按察司并安平守巡道咨牒覆考得貴陽  
府推官張應選見年三十三歲湖廣荊州府江陵縣人由  
舉人萬曆二十年四月內除授岳州府華容縣儒學教諭  
本年六月二十六日到任二十五年三月二十五日陞授  
今職本年十月十三日到任扣至二十八年九月十二日



止連閏實歷俸三十六個月二年考滿任內蒙巡按貴州  
監察應御史復 命疏開本官銳氣發矓之刃朗識照乘  
之珠明恕竝行表裏如一系列薦一次例應給由任內竝無  
公私過名增減歷俸月日并將行過事蹟造冊結報到司  
詳奉本院批仰該司移會司道註考詳奉奉此又蒙巡按  
貴州監察宋御史批准移會各司道考覈通詳蒙此就經  
移行各該司道考註詞語結報到司又結查本官父母妻  
竝無貪酷再醮例應請 封呈乞考覈具 奏等因呈詳  
到臣該臣會同巡按貴州監察御史宋興祖考覈得貴陽  
府推官張應選三尺雅操百練長才總軍興不聞庚癸之

呼察獄情庶幾衣冠之畫稱職行接俸管事間案照為朝  
覲事該臣等查得貴陽府新任知府劉冠南到任未及三  
月止有推官張應選在任空閑已經 題令入 覲今本  
官文冊即付親自齎繳外相應題 請伏乞 勅下吏部  
再加查覈本官曾經巡按貴州監察御史應朝卿列薦一  
次父母妻查無貪酷再醮近例應得 恩典併乞查酌施  
行緣係遵例考覈給由有司官員事連未敢擅便為此會  
本專差承差王都齎捧謹題請 旨

播平乞休疏

謹 奏為逆首甬平舊病復發懇乞 天恩放歸閭里以



延喘息事臣自通籍以來竊祿中外三十年所而不敢一日偷閑實以犬馬戀主涓埃圖報年力未衰例難稱老比待罪闕藩入覲往返道涂辛苦始患血症具疏乞骸未蒙俞允已復再疏而黔中之命下矣又以播賊充斥而皇上趣臣赴黔之旨又下矣臣家人抱疏長安未敢即上而臣之病實未瘳也勉承明旨星馳入黔以空拳當虎口當是時臣死且不測何暇言病仰荷聖明憐臣顛危請金予金請餉予餉已而皇威遠暢逆酋投綬臣兩年憂焦一朝頓解當是時臣樂與邊氓歌舞太平又何忍言去乃不謂十月十八日臣督率書吏磨勘

軍興類造清冊忽爾暈眩口吐鮮血遂不能禁至夜半始止扶就牀第氣息奄奄延醫問藥僉云舊病未除勞劇即發惟靜攝可調非藥餌能愈臣伏枕思之臣之身一不死於寇而死於病臣即死有餘榮又何必求歸顧臣實有老父在堂年七十有八頃逆酋披猖之際道路訛傳貴陽不支臣父驚悸以日為年朝而倚門夕而迴腸病成怔忡幾不可為已聞賊平差有生意不謂臣病狼狽至此復貽父憂也臣父前日憂賊憂在國家今日憂子憂在骨肉老人精神有幾能堪此多憂邪故敢向皇上乞臣未死之身與疾還家與臣父慰籍一番臣死且瞑脫籍醫藥不即填



溝壑則臣尚未老異日者東西南北惟 皇上使伏乞  
勅下吏部憫臣病危放臣歸去速推有才望者與臣交代  
臣無任哀懇待 命之至緣係逆酋甫平舊病復發懇乞  
天恩放歸閭里以延喘息事理未敢擅便為此具本專差  
承差黃德高齎捧謹具奏 聞伏候 勅旨

請官經理播地疏

謹 題為就近選用司屬及時料理播地以杜釁孽以圖  
治安事萬曆二十八年十月十七日准川湖貴總督右都  
御史兼兵部右侍郎李化龍咨看得播賊既已蕩平例應  
改土設流行據各監軍守巡等道條議前來會 題間適

本院部感疾伏枕未得 題覆近閱邸報該山西道李御  
史具題議建二府又准貴州撫院移送會稿亦議建設二  
府輿論既已僉同即應如議舉行及查割撥一節以黃平  
設府餘慶白泥雍水重安草塘容山並龍泉設縣俱應屬  
之黃平隸於貴省但賊滅之後已及四月若不及時脩舉  
恐地廣人稀日久生變一有他虞反為不便除白田壩建  
府松坎建縣凡係播州五十四里之地及真州一司俱聽  
四川分屬已經委官推官高折枝同知張鰲知縣寇克順  
何珩分投往彼料理外所有黔省應委守巡叅備知府知  
縣等官勢不可緩合行移知為此合咨煩將黃平餘慶等



司應建郡邑速為委官及時董理共圖治化仍將選過文武職名并查草塘容山二司屬何縣治希由併示以憑稽督施行又准手劄涇潭一帶切近貴州仍屬於貴以關為界等因准此案查先閱邸報內開山西道監察御史李時華題為三省干戈幸戢萬年計畫宜周恭陳一二膚見以備善後 採擇事內開一更置郡縣播州烏江之隔分為東西江之西為內五司桃溪等庄五十九里九十八局江之東為外五司雍水草塘白泥浪城重安等司土地數倍於田琛建置何難於兩郡謂宜於白田適中之地建設一府四牌飛練之間建設一府東西相望二郡峙焉至於衛

所州縣因其地為多寡五司就地附屬爵流官管上民不失故物改換新銜彼之規模亦甚宏整其誰有不樂從建府須擇廉明太守州縣必擇才望正官安撫歸鴻消磨市虎仍久任而責成之破格加銜三年之後地方安堵績用有成知府加叅政銜州縣正官或加運同銜或加府同銜各照舊管事五年之內起等推陞行取庶得鼓舞激勸之方人無畏難苦遠之慮而往有不駸駸顧化咸與維新者臣不之信也等因又該臣會同巡按貴州監察御史宋興祖題為迺世... 巡按未輯敬陳善後事宜以備採擇事內開一議... 郡縣看得播州之地東西相距二



千餘里南北相距四下... 一縣此沙溪至白泥一帶建置之大縣也自白泥渡江至  
沙溪以至白泥當以烏江爲界設一府於白田壩而真州  
婁山松坎等處可爲三縣黃平在元已爲府矣當設一府  
於黃平而餘慶白泥二司可爲一縣雍水重安二司可爲  
一縣此沙溪至白泥一帶建置之大縣也自白泥渡江至  
婺川縣以三渡板角苦竹三關爲界其中漢夷田土錯雜  
惟湄潭可縣龍泉可縣龍泉土官安民志陣亡其子尚幼  
其印已失其土地已爲揚首踐躪合無將龍泉改建一縣  
增築城郭而以安民志之子世爲土縣丞以爲死義者之

勸其祖職長官世爲土主簿此則思石一帶建置之大較  
也至於衛所似可無設先年石阡思南思州龍安馬湖俱  
係改流竝未設衛豈不謂養軍不若養兵贍統綏之世胄  
孰若贍矛戈之勁卒乎哉惟設二道一叅以強其壓於中每  
二縣設一守備以防禦於外則西南半壁可恃無恐若興  
學校築城池設公署建驛遞度土田勢當次第脩舉而爲  
費不貲貧黔物力難支似當於剝餉內動支完日覈筭等  
因開欵具題訖今准督臣李化龍移咨議將黃平設府  
餘慶白泥雍水重安草塘容山隸於貴州就經會同巡按  
貴州監察御史朱興祖備行驛傳道副使尤錫類督率貴



陽府知府劉冠南鎮益州知州李珏施秉縣知縣袁尚紀  
料理黃平一帶思仁道副使陳與相督率銅仁縣知縣陳  
廷範料理龍泉一帶去後而臣病病矣連旬以來伏在牀  
第反復思惟終是臣身未了事播州田土拋荒二年明歲  
春耕在邇今年止有一月不及此時畫疆分界授田給種  
將今春耕無主秋成無望非計也臣等善後之疏尚未奉  
有明旨若待吏部銓選新官萬里跋涉便難到任卽到  
任亦未悉黔中事情悠悠歲月令反側未安屢孽復萌非  
計也臣將分委諸臣催促入播諸臣入署問疾見臣病篤  
相聚語曰撫臣病勢如此萬一不諱而不一題以之其

事民難慮始恐終掣肘臣即病安敢不以聞之 皇上貴  
州瘠薄道險於蜀米貴如珠官於此地苦矣會有播之後  
枕戈泣劒出萬死一生又苦矣茲復使之經理夷壤馳驅  
蠻烟穿林菁餐瘴癘宿風憩雪旣無衙署遊息之所裹糧  
負米又無驛遞荅應之便兼之羝羊羸角間或觸藩飛鷄  
在林未懷好音往來道路不無戒心則又苦矣夫鞠躬盡  
瘁夙夜在公在諸臣不敢言勞莫非 王事我獨勞瘁惟  
皇上一憫其私查得副使尤錫類陳與相知州李珏知縣  
袁尚紀陳廷範身在行間拮据奔走已幾一年知府劉冠  
南到任稍淺然軍興之銷筭播賊之問訊悉出其手無頃



刻際諸臣才器俱可任使儻邀 皇上之恩道府州縣遞  
加一銜仍令管該道郡縣事一則憫念其辛勤少酬其前  
日之勞一則鼓舞其意氣冀收其將來之效如三省敘功  
之後果勞勩相應者即令實授不相應者仍令帶銜待二  
三年後郡縣既定漢夷相安或久任而加銜或超遷於中  
土或行取於臺省隨其勞而酬之如李御史之議可也如  
或職用不稱撫按不時叅劾執三尺以繩其後誰敢庇之  
遺下貴陽鎮盜施秉銅仁府縣四缺 勅下該部速爲銓  
補興隆特設叅將以防播孽黃平旣改爲府當移叅將於  
黃平以重彈壓黃平原有一千戶所城中盡是尺籍今旣

設府似當加軍民二字以便兼攝即如貴陽會城軍居十  
九民居十一知府問訊勾攝呼召城守編排保甲動輒掣  
肘亦當加爲軍民府以重首府事權此皆地方安危攸關  
非細故也臣病中具疏語無倫序伏乞 勅下吏兵二部  
再加查議覆 請施行不獨今日之釁孽可杜而萬世之  
治安可圖矣緣係就近選用司屬及時料理播地以杜釁  
孽以圖治安事理未敢擅便爲此具本專差承差黃德高  
齎捧謹題請 旨

請建印江縣學疏

謹 題爲地方初盜懇乞添設縣學以變夷習以弘 聖



化事據貴州布政使司呈奉臣案驗萬曆二十七年十二月初八日准禮部咨為貴竹沾危敬陳安邊五策以佐緩急事該本部題據儀制清吏司案呈奉本部送禮科抄出巡按直隸監察御史蕭重望題前事內一款弘化誨消獷悍夷民亦人也不可以威讐則化誨而懷服之即如思州思南故為田氏兩酋竊據國初雖納款奉貢而煽虐梗化致塵天討永樂間改流建學浸成禮讓之俗二百年餘無復夷患又近日故總兵石邦憲勸誘苗酋吳猪玃以儒衣冠被服其子而歸命恐後明效昭然播民之敢於從逆者良繇積威所劫人不知方而獷悍如故無惑也今印

江縣介在酉播鎮筰之間青衿幾滿百而寄學思南大稱不便以故洞寨子弟即有向化之心往往患苦跋涉弦誦中輟該縣官民僉謂印江建學其有益於化夷甚鉅臣熟其廟廡靡署祭祀廩餼諸費種種備具第以疆事倥偬撫按官未遑題請耳相應比照先年婺川縣及近日雲南路南州事例准其建學其興隆衛生徒止數十人乃教授訓導兼設殊屬冗員合無裁革該衛訓導改設印江縣教諭一員頒給條記勸率氓夷將文德洽於遐壤而椎結盡為冠裳無復有頑梗為亂者矣等因奉聖旨該部看了來說欽此欽遵抄出到部送司案呈到部看得御史蕭



重望題條議貴州印江縣介在酉播青衿滿百寄學思南  
大稱不便乞要添設學宮改設教諭 項給條記并裁革  
興隆衛訓導一節為照學校之設所以維世淑人微獨中  
原藉之以陶鑄人文即遐方異陬所為挽草野獷悍而歸  
之雍容禮讓則學校之所關係者大也印江縣古稱鬼方  
先是猶絀於文物邇來青衿之士遊黌序者百餘人矣尚  
爾寄學思南往返跋涉士子甚苦之今蕭御史陳安邊之  
策而首之以建學蓋商確於黔中衆宦而為此議非臆說  
也况廟廡餼等項不費公帑一錢而士民願輸又何憚  
而不俯從所請哉但建學事重未有不由撫按會議而徑

行者即蕭御史所摺發川路南建學皆係兩院會勘印江  
亦當照例行令撫按會議舉行等因於萬曆二十七年九  
月十八日題奉 聖旨是欽此欽遵合咨煩為查照本部  
題奉 欽依內事理欽遵施行等因准此備案仰司即便  
移行提學守巡道備查會議印江縣建學事宜應否舉行  
逐一會議妥當具由通詳以憑會 題施行等因奉此又  
據本司經歷司呈抄蒙巡按貴州監察宋御史案驗同前  
事蒙此俱經備行提學道及思仁守巡道會議去後至萬  
曆二十八年九月十八日准貴州按察司提學僉事徐來  
儀牒呈回稱行據思南府呈據印江縣申稱卷香先該本



縣知縣張鎔議稱照得印江彈丸僻邑蒙禮教以興賢三  
里編氓列青衿者踰百惟是附寄府庠山川險阻途經二  
日講學課考甚屬未便且有縣無學誠為缺典隨該卑職  
據士庶勤懇之情循婺川已行之規條陳兩院請建蒙允  
檄查業奉道府不次行議集諸公評師生稟餼歲該銀九  
十一兩二錢將縣解府需銀及汰完役并本縣備用銀內  
共充其數春秋祭需原有租銀三兩及民劉朝一等捐田  
租穀一十九石又減禮生紙劄銀一兩七錢共足其額季  
考花紅試卷歲考科舉原給供應并花紅試卷歲貢盤纏  
三項共銀三十七兩將裁減民兵舖兵庫子工食銀內扣

是考貢盤纏科舉賓興花紅酒席舉人盤纏學吏香燭米  
庫門工食等銀原有條編銀一十四兩八錢不敷者於減  
剩紙劄及募馬價銀湊足俱已分置停妥竝不分毫加派  
於民又該卑職陸續捐俸薪銀八十餘兩選買城內寬洪  
吉地一幅以為學基隨即經營設處顧募工匠修建 文  
廟三間明倫堂五間齋房三間門樓一座俱已完固其廡  
舍等件各鄉官士民多有願脩認狀在卷日今 聖化大  
行人文日盛乃本縣夷漢雜處信義未洽且府庠四百餘  
名尤宜疏通惟候題 請等因已經備詳奉前任巡撫貴  
州江都御史批仰候會 題行繳又蒙巡按貴州監察應



御史批候會 題行繳續因播會稱亂地方有警未經會  
題今奉前因又該本縣看得印江是等議非一年目今規  
制俱已大備近蒙兩院助費白金士民懸望視昔尤切伏  
乞垂念夷方作興士類成數十年欲舉之志開億萬載道  
脉之宗速賜 題覆等因據申到府該本府知府陰鎔看  
得建賢育才本爲政首務偃武脩文尤變俗一機今知縣  
張鎔銳志創始規制已備該縣士民協力景從區畫具周  
即教官俸薪諸生廩餼一一措處得宜不加派於民而自  
足伏乞速賜 題覆用成該縣數載經理之志以開印地  
道脉之宗等因呈報到道看得黔省學校弟子員稱最多

者類不滿三百獨思南一府幾四百餘人而印江諸生實  
附贅焉通府學不無皓首淹滯之嘆析縣生亦有道里跋  
涉之艱以故該縣議建新學規制大備經費不煩誠屬便  
宜可行而況以漢夷雜處之區當播事方平之後爲興賢  
育才之舉未必非用夏變夷之一機也相應准從合行回  
覆等因又准本司分守思仁副使陳與相思石兵巡副使  
路雲龍咨會看得印江縣去思南四十里而遙苗漢雜居  
幅隕頗廣邇來文教漸昌士氣益倍生徒之附府庠者雖  
僅逾百而絃誦之在四封者不啻盈千章縫以肄業無所  
屬望甚殷鱗介以觀化末繇嚮慕亦切故蕭侍御軫念粉



偷爲謀桑土畫安邊之遠猷創建學之始議知縣張鎔頻年蒿目圖維悉心經理一切宮牆廡餽業已犁然粗備次第可行况乘此偃武脩文之時籌用夏變夷之術似無亟於此者相應回覆轉詳俯賜酌議會 題等因到司准此該本司署印左叅政郭廷良看得印江建學事務今准提學守巡等道議覆前來相應酌議爲照印江爲思唐僻邑往聲華文物未著近挾經談統之士駸駸與婺川埒盛婺故有學惟印江之學闕焉士籍在學官者餘百十人歲時講課集隸郡庠負笈重趼多言不便該知縣張鎔身任構建著吉經始分俸鳩工邑縉紳士與闔闈之夫納地捐貲

共贊厥成學宮殿廡堂祠齋舍與夫祀費廩需規模區畫犁然具備以此建師淑士使藝習專而夷風革也非今日所當亟舉者乎既經道府重複議妥備覆前來似應俯從呈詳會議題 請施行等因呈詳到臣除批行該司仰候會 題施行外該臣會同巡按貴州監察御史宋興祖看得貴州宣慰司與播州宣慰司一也貴州宣慰司有學故士多彙征夷亦向化播州宣慰司無學故酋旣狂信民亦頑悖則學之有無不獨文運係以興衰亦邊方所與共安危治亂者查得印江縣治距思南四十里該縣諸生業已百人身居縣地名列府庠跋涉羊腸殊爲艱苦以故蕭御



史深惟治理目擊士苦條議是學良為急務而知縣張鎔  
桔括有年節縮多方上不費公帑下不煩里旅移興隆訓  
導為教諭官不必添裁各項工食為俸廩糧不必派一切  
繁費犁然悉備既經布政司移會提學守巡等道覆議會  
同前來相應題 請伏乞 皇上軫念遐方主張文教  
勅下吏禮二部覆議上 請行臣等欽遵施行庶夷方在  
在有學荒服濟濟向風易鱗介以冠裳解椎結而詩書其  
關係邊計非淺鮮矣緣係地方初盜懇乞添設縣學以變  
夷習以弘 聖化事理未敢擅便為此會本專差承差黃  
德高齋捧謹題請 旨

議剿皮林寨苗疏

謹一題為剿苗有期邊師宜慎謹陳末議以圖萬全事萬

曆二十八年八月十八日准兵部咨為傳奉 聖諭事該

本部覆奉 聖旨元兇既殄凡脅從索累的都免窮治流

移的招他復業毋許豪強乘機兼并還與優加賑恤以安

新定地方兵馬久戍勞苦酌量應撤的次第撤還永靖諸

苗橫恣逋誅就著撤回兵馬剿處不必待奏可即便宜行

事軍中一應有功人員俱從公敘來其餘皆依擬該督撫

悉心行欽此欽遵等因咨到臣准此案照先在湖廣撫臣

支可大咨稱照得皮林寨叛苗猖亂狂逞殺傷官兵先該



本院具疏會題議俟播平之日另議剿處隨該兵部覆奉欽依備咨前來欽遵在卷今照播氛業已蕩平矣所有前項叛苗亟宜懲旨征討以靖地方茲該本院會同巡撫備沅右僉都御史江鐸巡按湖廣監察御史王立賢牌行守巡湖北兵備及監軍等道將應用兵將餉糧等項一面酌議通詳進剿外合咨移會煩為查照施行等因准此隨據湖廣辰常黎靖兵備副使王應霖呈詳剿處皮林等寨惡苗條議五路進兵各款內開一皮林天甫等寨諸苗一通貴州都勻府九股一通廣西懷遠縣一帶誠恐大兵厭境或奔入各省糾引黨類相助或兵進則借路逃竄兵退則復回巢穴將來必難結局相應請本院咨會廣西軍門及移文銅仁總鎮并新都二道撥兵把截一黎平五開均屬黔楚兩省犬牙相制原有深意皮林等寨惡苗罪在不赦楚兵一至勢必奔逸目今徒勞兵力日後猶為患害合無請本院檄行總鎮併新都二道提兵截殺庶首尾相應功收萬全等因到臣隨批五路進兵運餉把截事宜俱如議行仍候各院詳示行繳隨該臣查得皮林隘路後通偏鎮次及都勻卽移總兵李應祥提兵二千駐鎮遠副總兵陳寅清浪原任叅將為事官劉效節督兵一千駐偏輿而以新鎮守道叅議張文奇監之以防九股之助都司



徐成督兵一千駐新添麻哈檄獨山等土司兵一千駐都  
勻以兵道副使袁應文監之以防皮林之逸用以內備播  
孽外為楚援行各道副叅遊擊遵照去後又據副使王應  
霖呈為惡苗抄虜縣治事准五靖遊擊董獻策手本移稱  
據永從縣典史丁崇德呈稱上皮林惡苗截殺官軍後本  
縣止存卑職并吏舒安馬鳴龍黃朝重民兵蔣元章楊桂  
友等二十餘人隨職在縣任守不料六洞惡苗聽八洞傳  
報木刻聞風大舉驚惶於八月十六日復糾洪州八洞多  
苗來縣將城門撞開蜂擁入縣將糴貯預備倉稻穀五十  
九石刮去等因又據黎平府呈同前因據此隨准偏沅撫

臣江鐸咨為西事甫平等事內稱辰沅兵備道呈據黎平  
府及五靖叅將董獻策并黎潮潭溪等所衙門飛報皮林  
等寨多苗宰牛合款糾黨攻城意欲約期大逞情形叵測  
地方危急本院不得已檄副總兵陳良玘統兵前往靖州  
彈壓議將監軍紀功各道照舊紀功將兵馬錢糧悉心料  
理去後八月二十九日據分守湖北道叅政詹啓東稟稱  
本院一日留沅則省城撫院一日不便抵沅夫本院屢欲  
移鎮又復逡巡者蓋緣身在地方手握重兵目擊時艱誼  
難坐視不得不為省城撫院暫擔利害耳今據該道所稟  
因本院留沅妨礙省城撫院移沅是本院心欲濟事反致



黑州 卷之六  
悞事矣且聞訃已久日惟候 旨未得既得允歸謹遵  
明旨以九月初三日發沅州移鎮長沙完敘功及銷筭征  
播錢糧二項文冊以畢重務以息羣囂決不敢貽不了之  
局致滋衆口而撓公道其一應剿處叛苗機宜除嚴行湖  
北守巡兵備三道悉聽省城撫院軍令施行不必關白本  
院以致彼此耽悞外又經移會四川制院及咨省城撫院  
去後相應咨會煩爲查照施行等因備咨到臣該臣看得  
上皮林及六洞惡苗旣損將官復劫縣治窮兇極惡罪在  
不宥偏沅撫臣江鐸移鎮長沙湖廣撫臣支可大計入沅  
州建旌提鼓挾經秉枹剗鯨搏虎當有定謨矣惟是五開

黎平衛府同城衛屬禁中府屬黔中臣旣有兼制之責不  
容無言五開城外四顧皆苗槃瓠醜類實繁有徒 國初  
洪武五年命江陰侯吳良征古州蠻十八年命 楚王率  
信國公湯和征五開蠻吳奮兒三十年命 濶王都督楊  
文征古州蠻林小師而命貴州都督顧成以軍策應天順  
四年湖廣巡撫王儉總兵李震帥師征絞洞苗而會貴州  
總兵李安分道夾擊夫以五開之苗動勞 親王侯伯專  
征亦勅敵也雖未若播之衆亦不下播之悍兵未集則乘  
危怙險穿屋觸藩無所不至兵旣集則麇驚鳥散風去雨  
還莫可放物此進剿之勢未易言也督臣駐成都相距三



千里而遙且以憂 請去偏沅撫臣雖相距四百里而近亦以憂 請去臣駐貴陽相距千五百里湖廣撫臣卽入沅州顧自武昌來亦二千餘里雖鞭之長不及馬腹雖燭之明不照垣外此控制之難未易言也臣黔中征播之兵多土兵客兵一破圍後滇粵客兵俱歸其鄉水西鎮雄土兵各歸其司不待撤而自撤矣頃臣善後疏中止留募兵三千五百蓋以防播餘孽也自奉 旨後臣卽分布於鎮遠都勻堵截苗逸皆此兵矣第兵一過鎮遠卽非黔境無米可餉兵無夫可運米楚卽有米勢亦難以餉黔兵臣非敢自愛其力束於勢也而況沅州一隅未足以容二撫臣

也臣愚謂湖廣撫臣坐鎮沅州總兵陳璘驅兵從前入以楊賊巢臣當移駐偏橋同總兵李應祥督鎮遠都勻之兵以防其勾引九股廣西撫臣楊芳總兵李如樟似當移駐柳州督西粵兵以防其遁逸懷遠則犄角之師有所據而兵勢以強釜底之魚無所遁而賊滅可期矣臣未敢擅便相應題 請伏乞 勅下兵部再加查議覆 請行臣等欽遵施行緣係剿苗有期進師宜慎謹陳末議以圖萬全事理爲此具本專差承差陳啓星齎捧謹題請 旨



...

...

...

...

...

...

...

...

...





